

आकाशवाणी

खबरां श्रुति खजूरिया कोला

1. प्रधानमंत्री नरेंद्र मोदी होर सेशेल्स दे राष्ट्रपति हुंदे कन्नै गल्लबात करडन, ओह सेशेल्स दी राश्ट्री असेंबली गी बी संबोधित करडन।
2. प्रधानमंत्री नरेंद्र मोदी होर अज्ज 11 बजे आकाशवाणी थमां प्रसारित होने आहले कार्यक्रम मन की बात राएं देशवासिएं कन्नै अपने बचार सांझा करडन।
3. विदेश मंत्रालय नै भारती नागरिकें गी सलाह दिती ऐ जे ओह कैलाश मान सरोवर जातरा उसलै तगर शुरू नेई करन जिसलै तगर उनेंगी सरबन्धी जरूरी दस्तावेज हासिल नेई हुंदे।
4. अमरीकी सेना नै ईरान दे केई ठिकानें पर लगातार दुए दिन हमले कीते।
5. वेनेजुएला च भूचाल च मरने आहलें दी तगनतरी 1 जहार 430 होई गई ऐ।
6. भारत ते किदांबी श्रीकांत अमरीकी ओपन बैडमिंटन प्रतियोगिता च मर्दे दे एकल मुकाबले दे फाइनल च पुज्जे।

<><><><><><>

PM-Seychells

प्रधानमंत्री नरेंद्र मोदी होर अज्ज सेशेल्स दे राष्ट्रपति पैट्रिक हरमाइनी हुंदे कन्नै गल्लबात करडन। दवें नेता दपक्खी सहयोग दी व्यापक समीक्षा करंगन ते आपसी हित दे क्षेत्रीय ते अंतरराष्ट्री मुद्दे पर बचार-विमर्श करंगन। प्रधानमंत्री होर सेशेल्स दी राष्ट्री सभा गी संबोधित करने ते भारती प्रवासी समुदाय दे सदस्य कन्नै गल्लबात करंगन। प्रधानमंत्री मोदी होर राष्ट्री दिवस सरबन्धी समारोह च हिस्सा लेंगन।

<><><><><><>

PM Mann ki Baat

प्रधानमंत्री नरेद्र मोदी अज्ज बड्डलै 11 बजे आकाशवाणी दे “मन की बात” कार्यक्रम च देस विदेश दे लोकें कन्नै अपने बचार सांझे करडन। एह माहवार रेडियो कार्यक्रम दी 135मीं कड़ी होग। एहदा प्रसारण आकाशवाणी ते दूरदर्शन दे सब्बनैं चैनलें, ए.आई.आर न्यूज दी वेबसाइट ते न्यूज आन एआईआर मोबाइल ऐप पर कीता जाहग। कन्नै गै ए.आई.आर न्यूज, डी.डी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यू.ट्यूब चैनलें पर बी एहदा सिद्धा प्रसारण कीता जाहग। हिंदी प्रसारण दे तुरत मगरा क्षेत्रीय भाशाएं च बी कार्यक्रम दा प्रसारण कीता जाहग।

<><><><><><>

EAM-Kailash Yatra

विदेश मंत्रालय नै भारती नागरिकें गी सलाह दिती ऐ जे ओह कैलाश मानसरोवर जातरा उसलै तगर शुरू नेई करन जिसलै तगर उनेंगी अपनी जातरा सरबन्धी जरूरी दस्तावेजद हासल नेई होई जंदे। मंत्रालय नै एह परामर्श उनें भारतीय नागरिकें दे सहायता अनुरोध दे बाद जारी कीता ऐ जेड़े निजी टूर आपरेटरें दे राएं चीन आस्तै जरूरी प्रवेश परमिट ते बिजन वीजा दे नेपाल च फसी गए न। मंत्रालय नै आखेआ ऐ जे वैध दस्तावेजें दे बगैर जां लोड़चदे दस्तावेजें दे थोने दी मेद च जातरा शुरू करने कन्ने श्रद्धालुएं दे फसने दी मेद बदी जंदी ऐ।

<><><><><><>

Lud. Health Care

केंद्री सेहत ते परिवार कल्याण राज्यमंत्री अनुप्रिया पटेल होरें आखेआ ऐ कि भारत नै पिछले 12एं बरें च सेहत सेवा क्षेत्र च बड़्डी मती तरक्की कीती ऐ जेड़ी जे इक सराहनेजोग गल्ल ऐ ते अगगे बी सरकार सबनें लेई लाजमी तौरा पर सेहत सुरक्षा सेवा असान, सस्ती ते म्यारी बनाने लेई कम्म करा करदी ऐ। 9में डाक्टर्स डे कान्क्लेव दे सिलसिले च इक प्राइवेट मीडिया दे कार्यक्रम च मंत्री होरें आखेआ जे सरकार नै अपने सेहत सरबन्धी नजरिये गी कसरी लोकें दी दिक्खभाल थमां उंदी बेहतर सेहत बक्खी ते इलाज सरबन्धी दिक्खभाल थमां मरीजें देपूरे-पराते कल्याण बक्खी मोड़ी दिता ऐ।

<><><><><><>

Delhi CM Coaching

दिल्ली दिएं मुखमंत्रि रेखा गुप्ता होरें दिल्ली दे कोचिंग सेंटरें गी चेतावनी दिती ऐ जे ओह जरूरी सुरक्षा मानकें दी पूरी सख्ती कन्नै पालना करन नेई तां उनेंगी सेंटर चलाने दी इजाजत नेई दिती जाहग। अपने इक वीडियो संदेश च रेखा गुप्ता होरें आखेआ ऐ जे दिल्ली सरकार तौले गै इस सिलसिले च नियमें दी पालमा सरबन्धी इक निगगर कनून आहन्नग जेदे नै सख्त निगरानी, मती जवाबदेही ते विद्यार्थिं दी बेहतर सुरक्षा यकीनी बनी सकग।

<><><><><><>

Maharashtra-SIT

महाराष्ट्र दे मुखमंत्रि देवेंद्र फडनवीस होरें राज्य च टीचरें दी योग्यता जांच सरबन्धी टी.ई.टी-2026 दे म्तेयानें दा पेपर लीक होने आहले मामले दी जांच लेई इक विशेष जांच दल सिट खडेरने दा हुकम जारी कीता ऐ। सिट दा अगुवाई ठाणे दे जायंट पुलस कमीशनर पंजाबराव उगले करंगन। मुखमंत्रि होरें स्कूली शिक्षा मंत्री दादा भूसे ते पुलस महानिदेशक सदानंद दाते हुंदे कन्नै गल्लबात कीती ते आखेआ जे दोषिं खलाफ सख्त कोला सख्त कार्रवाई कीती जानी लोड़चदी। भिंवडी पुलस नै इस मामले च बिहार ते हरियाणा राज्यें थमां 3 आरोपिं गी हिरासतें च लेई लैते दा ऐ। एह कार्रवाई भिंवडी पुलस आसेआ एम. टी.ई.टी दे पेपर कोला इक रोज पैहले पेपर लीक दा पर्दाफाश करने दे बाद कीती गेई ऐ।

<><><><><><>

US Strike Iran

अमरीकी सेना नै आखेआ ऐ जे उन्नै लगातार दुए दिन ईरान दे केई ठिकानें पर हमले कीते न। इस करी दौनों पक्खें बशकार होए दे संघर्ष विराम समझौते गी लेइयै यक्को-तक्की दी स्थिति पैदा होई गई ऐ। सोशल मीडिया दी पोस्ट च अमरीका दी सेंट्रल कमान नै आखेआ जे शुक्रवार गी तेल कन्नै लदोए दे इक कारोबारी पोत, किक्कू पर होए दे हमले दे परते च अमरीका नै ईरान दे सैन्य ढांचे, संचार प्रणालिएं, वायु सेना दे अड्डे, ड्रोन ते बारूदी सुरंग बछाने दी छमताएं गी निशाना बनायां सेंट्रल कमान नै आखेआ ऐ जे ईरान नै ड्रोन सोयां तेल टैंकर किक्कू पर हमला कीता।

<><><><><><>

Venezuala Death toll

विनेजुएला च भूचाल च मरने आहलें दी गिनतरी इक जहार 430 होई गई ऐ। वेनेजुएला च बुधवारें 7 अशारिया 2 ते 7 अशारिया 5 तीव्रता आहले 2 शक्तिशाली भूचाल आए हे जेदे च बड़ा मता नुकसान होआ ऐ। मुख्य च 68 जहार थमां मते लोके दे लापता होने दी बी खबर ऐ।

<><><><><><>

US-Open

भारत दे किदांबी श्रीकांत अमरीकी ओपन बैडमिंटन प्रतियोगिता च मर्दे दे एकलमुकाबले दे फाइनल च पुज्जी गए न। अमरीका दे कैलीफोर्निया दे टाइटन जिम च श्रीकांत नै सेमीफाइनल च जपान दे खडारी गी 20-20, 15-21 ते 21-19 कन्नै हराया हा। इस दरान मर्दे दे सिंगल्स दे इक होर सेमीफाइनल च अज्ज भारत दे रौनक चैहान दा मुकाबला चीन दे खडारी कन्नै होग।

<><><><><><>

FIFA

फीफा फुटबाल विश्व कप च इंग्लैंड नै अज्ज बड्डलै पनामा गी 2-0 कन्नै हराई दिता ऐ। अमरीका दे न्यू जर्सी च खेड्डे गेदे ग्रुप-एल मैच च इंग्लैंड नै दो गोल कीते। एहदे कन्नै गै इंग्लैंड ग्रुप एल च शीर्ष थाहर पर पुज्जी गेआ ऐ। इस्सै ग्रुप दे इक होर मैच च क्रोएशिया नै धाना गी 2-1 कन्नै हराया।

<><><><><><>

Chess

गोवा दे 14 बरें दे एथन वाज नै बोस्निया ते हर्जेगोविना च आयोजित सारा जेवो जीएम मिक्स शतरंज प्रतियोगिता च त्रिया ते खीरी ग्रैंडमास्टर नाम हासल करी लैता ऐ। ओह् भारत दे 96में शतरंज ग्रैंडमास्टर बनी गए न।

<><><><><><>

Def. Minister Op. Sindoor

रक्ष मंत्रालय नै मीडिया ते सोशल मीडिया पर प्रसारित होआ'रदी उनें खबरें दा खंडन कीता ऐ जिंदे च आपरेशन सिंदूर दरान 6 सैनिकें दी शहादत गी हाल च गै सार्वजनिक तौरा पर गलत दस्सेआ गेआ ऐ। मंत्रालय नै आखेआ ऐ जे तौरे थमां तौले शहीद सैनिकें गी श्रद्धांजलि भेंट कीती गई। मंत्रालय नै दस्सेआ जे उसलै दे सैन्य संचालन महानिदेशक होरें पिछले बरे 11 मई गी अधिकारिक प्रेस वार्ता च 6 शहीदें गी श्रद्धांजली भेंट कीती। इनें सैनिकें गी वीरता पुरस्कार बी दिते गए जिंदी घोशणा पिछले बरे 14 अगस्त गी जारी इक प्रेस विज्ञप्ति च कीती गई।

<><><><><><>

IMD

मौसम विभाग नै असम, मेघालय, पच्छिम बंगालदे तराई आहले इलाकें ते सिक्किम च अज्ज तेज बरखा ते किश थाहरें पर मौलेधार बरखा पौने दी चेतावनी जारी कीती ऐ। बिहार, छत्तीसगढ़, कर्नाटक, कोंकण, गोवा, ओडिशा, तमिलनाडू, विदर्भ, लक्षदीप ते अंडमान ते निकोबार द्वीप समूह च अगले दो दिनें च तेज बरखा दा अनुमान जताया गेआ ऐ। दक्खन पच्छिम मानसून गुजरात, मध्य प्रदेश, छत्तीसगढ़, झारखंड, बिहार ते उत्तर प्रदेश ते उत्तराखंड दे किश हिस्सें च अगले दो थमां त्रै दिन अगगे बदी सकदा ऐ। आंध्र प्रदेश, पूर्वी राजस्थान, पूर्वी उत्तर प्रदेश, झारखंडा, मध्य प्रदेश ते महाराष्ट्र च कल तगर बिजली मिलकने ते तेज हवा दा अनुमान जाहिर कीता गेआ ऐ।